

四庫全書

子部

欽定四庫全書

子部

傷寒論注釋卷六至十

詳校官太醫院八品吏目黃發

編修臣倉聖脈覆勘

總校官編修_臣王燕緒

校對官主事_臣陳文樞

謄錄監生_臣汪志伊

欽定四庫全書

傷寒論注釋卷六

金成無已注

辨太陰病脉證并治法第十

太陰之為病腹滿而吐食不下自利益甚時腹自痛若

下之必胃下結鞭

太陰為病陽邪傳裏也太陰之脉布胃中邪氣壅而為腹滿上不得降者

嘔吐而食不下下不得上者自利益甚時腹自痛陰寒在內而為腹痛者則為常痛此陽邪干裏雖痛而亦不常痛但時時腹自痛也若下之則陰邪留於胃下為結鞭經曰病發於陰而反下之因作痞太陰中

風四肢煩疼陽微陰澀而長者為欲愈

太陰脾也主營四末太陰中風

四肢煩疼者風淫末疾也表邪少則微裏向和則澀而長長者陽也陰病見陽脉則生以陰得陽則解故云欲

愈

太陰病欲解時從亥至丑上

脾為陰土王於丑亥子向王故為解時

太

陰病脉浮者可發汗宜桂枝湯

經曰浮為在表沉為在裏太陰病脉浮者邪在

經也故當汗散之

自利不渴者屬太陰以其藏有寒故也當溫

之宜服四逆輩

自利而渴者屬少陰為寒在下焦自利不渴者屬太陰為寒在中焦與四逆等

湯以溫其藏

傷寒脉浮而緩手足自溫者繫在太陰太陰當

發身黃若小便自利者不能發黃至七八日雖暴煩下

利日十餘行必自止以脾家實腐穢當去故也

太陰病至七八

日大便鞭者為太陰入府傳於陽明也今至七八日暴煩下利十餘行者脾家實腐穢去也下利煩躁者死此以脾氣和逐邪下泄故雖暴煩下利日十餘行而利必自止 本太陽病醫反下之因

爾腹滿時痛者屬太陰也桂枝加芍藥湯主之

表邪未罷醫下

之邪因乘虛傳於太陰裏氣不和故腹滿時痛與桂枝湯以解表加芍藥以和裏

大實痛者桂

枝加大黃湯主之

大實大滿自可除下之故加大黃以下大實

太陰為病脉

弱其人續自便利設當行大黃芍藥者宜減之以其人

胃氣弱易動故也

腹滿痛者太陰病也脉弱其人續自便利則邪雖在裏未成大實欲與大

黃芩藥攻滿痛者宜少與之
以胃氣尚弱易為動利也

辨少陰病脉證并治法第十一

少陰之為病脉微細但欲寐也

少陰為病脉微細為邪氣傳裏深也衛氣行於

陽則寤行於陰則寐邪傳少陰則氣行於陰而不行於陽故但欲寐

少陰病欲吐不吐心

煩但欲寐五六日自利而渴者屬少陰也虛故引水自

救若小便色白者少陰病形悉具小便白者以下焦虛

有寒不能制水故令色白也

欲吐不吐心煩者表邪傳裏也若腹滿痛則屬太陰

此但欲寐則知屬少陰五六日邪傳少陰之時自利不渴者寒在中焦屬太陰此自利而渴為寒在下焦屬少

陰腎虛水燥渴欲引水自救下焦虛寒不能制水小便色白也經曰下利欲飲水者以有熱故也此下利雖渴然以小便色白明病入脉陰陽俱緊反汗出者亡陽也非裏熱不可不察

此屬少陰法當咽痛而復吐利

脉陰陽俱緊為少陰傷寒法當無汗反汗出者

陽虛不固也故云亡陽以無陽陰獨是屬少陰內經曰邪客少陰之絡令人噤痛不可內食少陰寒甚是當咽痛而復吐利少陰病欬而下利譏語者被火氣劫故也小便

必難以強責少陰汗也

欬而下利裏寒而亡津液也反以火劫強責少陰汗者津液內

竭加大氣煩之故譏語小便難也

少陰病脉細沉數病為在裏不可發

汗

少陰病始得之反發熱脉沉者為邪在經可與麻黃附子細辛湯發汗此少陰病脉細沉數為病在裏故

不可發汗 少陰病脉微不可發汗亡陽故也陽已虛尺脉弱

瀼者復不可下之

脉微為亡陽表虛不可發汗脉弱瀼為亡陽裏虛復不可下

少陰

病脉緊至七八日自下利脉暴微手足反溫脉緊反去

者為欲解也雖煩下利必自愈

少陰病脉緊者寒甚也至七八日傳經盡欲解

之時自下利脉暴微者寒氣得泄也若陰寒勝正陽虛而泄者則手足厥而脉緊不去今手足反溫脉緊反去知陽氣復寒氣去故為欲解下利煩躁者逆此正勝邪微雖煩下利必自止

少陰病下利若

利自止惡寒而踈卧手足溫者可治

少陰病下利惡寒踈卧寒極而陰勝

也利自止手足溫者裏和陽氣得復故為可治 少陰病惡寒而踈時自煩欲去

衣被者可治

惡寒而踈陰寒甚也時時自煩欲去衣被為陽氣得復故云可治

少陰中

風脉陽微陰浮者為欲愈

少陰中風陽脉當浮而陽脉微者表邪緩也陰脉當沉而

陰脉浮者裏氣和也陽中有陰陰中有陽陰陽調和故為欲愈

少陰病欲解時從子至

寅上

陽生於子子為一陽丑為二陽寅為三陽少陰解於此者陰得陽則解也

少陰病吐利

手足不逆冷反發熱者不死脉不至者灸少陰七壯

經曰

少陰病吐利躁煩四逆者死吐利手足不厥冷者則陽氣不衰雖反發熱不死脉不至者吐利暴虛也灸少陰

七壯以通其脉

少陰病八九日一身手足盡熱者以熱在膀胱

必便血也

膀胱太陽也少陰太陽為表裏少陰病至八九日寒邪變熱復轉太陽太陽為諸陽主氣

熱在太陽故一身手足盡熱太陽經多血
少氣為熱所乘則血散下行必便血也
少陰病但厥

無汗而強發之必動其血未知從何道出或從口鼻或

從目出是名下厥上竭為難治

但厥無汗熱行於裏也而強發汗虛其經絡熱

乘經虛迫血妄行從虛而出或從口鼻或從目出諸厥者皆屬於下但厥為下厥血亡於上為上竭傷氣損血

邪甚正虛故為難治少陰病惡寒身踈而利手足逆冷者不治

針經

曰多熱者易已多寒者難已此內外寒極純陰無陽故云不治少陰病吐利躁煩四逆

者死

吐利者寒甚於裏四逆者寒甚於表躁煩則陽氣欲絕是知死矣

少陰病下利止

而頭眩時時自冒者死

下利止則水穀竭眩冒則陽氣脫故死

少陰病四

逆惡寒而身踈脉不至不煩而躁者死

四逆惡寒而身踈則寒甚脉不

至則真氣絕煩熱也躁亂也若煩躁之躁從煩至躁為熱來有漸則猶可不煩而躁是氣欲脫而爭也譬猶燈將滅而暴明其能久乎少陰病六七日息高者死

腎為生氣之源呼吸之門少陰

病六七日不愈而息高者生氣斷絕也

少陰病脉微細沉但欲卧汗出不

煩自欲吐至五六日自利復煩躁不得卧寐者死

陰氣方盛

至五六日傳經盡陽氣得復則愈反更自利煩躁不得卧寐則正氣弱陽不能復病勝藏故死

少陰病

始得之反發熱脉沉者麻黃附子細辛湯主之

少陰病當無熱

惡寒反發熱者邪在表也雖脉沉以始得則邪氣未深亦當溫劑發汗以散之

麻黃附子細辛湯方

麻黃

二兩去節甘熱

細辛

二兩辛熱

附子

一枚炮去皮破八片辛熱

內經曰寒淫於內治以甘熱佐以苦辛以辛潤之麻黃之甘以解少陰之寒細辛附子之辛以溫少陰之經

右三味以水一斗先煮麻黃減二升去上沫內諸藥煮取三升去滓溫服一升日三服

少陰病得之二三日麻黃附子甘草湯微發汗以二三

日無證故微發汗也

二三日邪未深也既無吐利厥逆諸裏證則可與麻黃附子甘草湯

微汗以
散之

麻黃附子甘草湯方

麻黃

二兩
去節

甘草

二兩
炙

附子

一枚
炮
去皮

麻黃甘草之甘以散表
寒附子之辛以溫經氣

右三味以水七升先煮麻黃一兩沸去上沫內諸藥
煮取三升去滓溫服一升日三服

少陰病得之二三日以上心中煩不得卧黃連阿膠湯

主之

脉經曰風傷陽寒傷陰少陰受病則得之於寒二
三日已上寒極變熱之時熱煩於內心中煩不得

卧也與黃連阿
膠湯扶陰散熱

黃連阿膠湯方

黃連

四兩
苦寒

黃芩

二兩
苦寒

芍藥

二兩
酸平

雞子黃

二枚
甘溫

阿膠

三兩
甘溫

陽有餘以苦除之黃芩黃連之苦以除熱陰不足以
甘補之雞子黃阿膠之甘以補血酸收也泄也芍藥之
酸收陰氣而泄邪熱

右五味以水五升先煮三物取二升去滓內膠烱盡

小冷內雞子黃攪令相得溫服七合日三服

少陰病得之一二日口中和其背惡寒者當灸之附子

湯主之

少陰客熱則口躁舌乾而渴口中和者不苦不躁是無熱也背為陽背惡寒者陽氣弱陰氣勝

也經曰無熱惡寒者發於陰也灸之助陽消陰與附子湯溫經散寒

附子湯方

附子

二枚炮破八片去皮辛熱

茯苓

三兩甘平

人參

二兩甘溫

白朮

四兩甘溫

芍藥

三兩酸平

辛以散之附子之辛以散寒甘以緩之茯苓人參白朮之甘以補陽酸以收之芍藥之酸以扶陰所以然者偏陰偏陽則為病火坎實水當平之不欲偏勝也

右五味以水八升煮取三升去滓溫服一升日三服

少陰病身體痛手足寒骨節痛脉沉者附子湯主之

少陰

腎水而主骨節身體疼痛支冷脉沉者寒盛於陰也身疼骨痛若脉浮手足熱則可發汗此手足寒脉沉故當

與附子湯溫經

少陰病下利便膿血者桃花湯主之

陽病下利便膿血者

協熱也少陰病下利便膿血者下焦不約而裏寒也與桃花湯固下散寒

桃花湯方

赤石脂

一斤一半全用一半篩末甘溫

乾薑

一兩辛熱

粳米

一升甘平

瀉可去脫赤石脂瀉以固腸胃辛以散之乾薑之辛以散裏寒粳米之甘以補正氣

右三味以水七升煮米令熟去滓溫服七合納赤石脂末方寸匕日三服若一服愈餘勿服

少陰病二三日至四五日腹痛小便不利下利不止便

膿血者桃花湯主之

二三日以至四五日寒邪入裏深也腹痛者裏寒也小便不利者水

穀不別也下利不止便膿血者腸胃虛弱下焦不固也與桃花湯固腸止利

少陰病下利便

膿血者可刺

下焦血氣留聚腐化則為膿血刺之以利下焦宣通血氣

少陰病吐利

手足厥冷煩躁欲死者吳茱萸湯主之

吐利手足厥冷則陰寒氣甚煩

躁欲死者陽氣內爭與吳茱萸湯助陽散寒

少陰病下利咽痛胃滿心煩者

猪膚湯主之

少陰之脉從腎上貫肝膈入肺中循喉嚨其支別者從肺出絡心注胃中邪自陽經

傳於少陰陰虛客熱下利咽痛胃滿心煩也與猪膚湯調陰散熱

猪膚湯方

猪膚

一斤味甘寒

猪水畜也其氣先入腎少陰客熱是以猪膚解之加白蜜以潤燥除煩白粉以益氣斷利

右一味以水一斗煮取五升去滓加白蜜一升白粉

五合熬香和令相得溫分六服

少陰病二三日咽痛者可與甘草湯不差者與桔梗湯

陽邪傳於少陰邪熱為咽痛服甘草湯若不差與桔梗湯以和少陰之氣

甘草湯方

甘草

二兩

右一味以水三升煮取一升半去滓溫服七合日二

服

桔梗湯方

桔梗

一兩味辛
甘微溫

甘草

二兩味
甘平

桔梗辛溫以散寒甘草甘平以除熱甘梗相合以調寒熱

右二味以水三升煮取一升去滓分溫再服

少陰病咽中傷生瘡不能語言聲不出者苦酒湯主之

熱傷於絡則經絡乾燥便咽中傷生瘡不能語言聲不出者與苦酒湯以解絡熱愈咽瘡

苦酒湯方

半夏

洗破如棗核大十四枚辛溫

雞子

一枚去黃內上苦酒著雞子殼中甘微寒

辛以散之半夏之辛以發音聲甘以緩之雞子之甘以緩咽痛酸以收之苦酒之酸以歛咽瘡

右二味內半夏著苦酒中以雞子殼置刀鐸中安火

上令三沸去滓少少含嚥之不差更作三劑

少陰病咽中痛半夏散及湯主之

甘草湯主少陰客熱咽痛桔梗湯主少陰

寒熱相搏咽痛半夏散及湯主少陰客熱咽痛也

半夏散及湯方

半夏

洗辛溫

桂枝

去皮辛熱

甘草

炙甘平以上各等分

內經曰寒淫所勝平以辛熱佐以甘苦半夏桂枝之辛以散經寒甘草之甘以緩正氣

已上三味各別搗篩已合治之白飲和服方寸匕日

三服若不能散服者以水一升煎七沸內散兩方寸

匕更煎三沸下火令小冷少少嚥之

少陰病下利白通湯主之

少陰主水少陰客寒不能制水故自利也白通湯溫裏散

寒

白通湯方

蔥白

四莖
辛溫

乾薑

一兩
辛熱

附子

一枚生用去皮
破八片辛熱

內經曰腎苦燥急食辛以潤之葱白
之辛以通陽氣薑附之辛以散陰寒

右三味以水三升煮取一升去滓分溫再服

少陰病下利脉微者與白通湯利不止厥逆無脉乾嘔

煩者白通加猪膽汁湯主之服湯脉暴出者死微續者

生

少陰病下利脉微為寒極陰勝與白通湯復陽散寒服湯利不止厥逆無脉乾嘔煩者寒氣太甚內為格

拒陽氣逆亂也與白通湯加猪膽汁湯以和之內經曰逆而從之從而逆之又曰逆者正治從者反治此之謂也服湯脉暴出者正氣因發泄而脫也故死脉微續者陽氣漸復也故生

白通加猪膽汁湯方

葱白

四莖

乾薑

一兩

附子

一枚生去皮破八片

人尿

五合

猪膽汁

一合苦寒

內經曰若調寒熱之逆冷熱必行則熱物冷服下噏之後冷體既消熱性便發由是病氣隨愈嘔噦皆除

情且不達而致大益此和人尿猪膽汁鹹苦寒物於白通湯熱劑中要其氣相從則可以去格拒之寒也已上三味以水三升煮取一升去滓內膽汁人尿和令相得分溫再服若無膽亦可用

少陰病二三日不已至四五日腹痛小便不利四肢沉重疼痛自下利者此為有水氣其人或欬或小便利或

下利或嘔者真武湯主之

少陰病二三日則邪氣猶淺至四五日邪氣已深腎主水

腎病不能制水水飲停為水氣腹痛者寒濕內甚也四肢沉重疼痛寒濕外甚也小便不利自下利者濕勝而水穀不別也內經曰濕勝則濡泄與真武湯益陽氣散寒濕

真武湯方

茯苓

三兩
甘平

芍藥

三兩
酸平

生薑

三兩
辛溫切

白朮

二兩
甘溫

附子

一枚炮去皮
破八片辛熱

脾惡濕甘先入脾茯苓白朮之甘以益脾逐水寒淫
所勝平以辛熱濕淫所勝佐以酸平附子芍藥生薑
之酸辛以
溫經散濕

右五味以水八升煮取三升去滓溫服七合日三服

後加減法

若欬者加五味子半升細辛乾薑各一兩

氣逆欬者五
味子之酸以

收逆氣水寒相搏則欬

細

若小便利者去茯苓

小便利則無伏水故

辛乾薑之辛以散水寒

去茯苓若下利者去芍藥加乾薑二兩

芍藥之酸泄氣乾薑之辛散寒

若

嘔者去附子加生薑足前成半斤

氣逆則嘔附子補氣生薑散氣千金曰嘔

家多服生薑此為嘔家聖藥

少陰病下利清穀裏寒外熱手足厥逆

脉微欲絕身反不惡寒其人面赤色或腹痛或乾嘔或

咽痛或利止脉不出者通脉四逆湯主之

下利清穀手足厥逆脉微

欲絕為裏寒身熱不惡寒面色赤為外熱此陰甚於內格陽於外不相通也與通脉四逆湯散陰通陽

通脉四逆湯方

甘草

二兩炙

附子

大者一枚生用去皮破八片

乾薑

三兩強人可四兩

右三味以水三升煮取一升二合去滓分溫再服其

脉即出者愈

面色赤者加葱九莖

葱味辛以通陽氣

腹中痛者去葱加芍藥

二兩

芍藥之酸通寒便腹中痛為氣不通也

嘔者加生薑二兩

辛以散之嘔為氣不

散也咽痛者去芍藥加桔梗一兩

咽中如結加桔梗則能散之

利止脉

不出者去桔梗加人參二兩

利止脉不出者亡血也加人參以補之經曰脉微而

利亡血也四逆加人參湯主之少陰病四逆其人或欬

或悸或小便不利或腹中痛或泄利下重者四逆散主

之

四逆者四肢不溫也傷寒邪在三陽則手足必熱傳到太陰手足自溫至少陰則邪熱漸深故四肢逆而

不溫也及至厥陰則手足厥冷是又甚於逆四逆散以散傳陰之熱

四逆散方

甘草

炙甘平

枳實

破水漬炙乾苦寒

柴胡

苦寒

芍藥

酸微寒

內經曰熱淫於內佐以甘苦以酸收之以苦發之枳實甘草之苦甘以泄裏熱芍藥之酸以收陰氣柴胡

之苦以

發表熱

右四味各十分搗篩白飲和服方寸匕日三服

欬者加五味子乾薑各五分并主下利

肺寒氣逆則欬五味子之酸收

逆氣乾薑之辛散肺寒并主下利者肺與大腸為表裏上欬下利治則頗同

悸者加桂枝五

分

悸者氣虛而不能通行心下築然悸動也桂猶主也引導陽氣若熱以使

小便不利者

加茯苓五分

茯苓味甘而淡用以滲泄

腹中痛者加附子一枚炮令

圻

裏虛遇邪則痛加附子以補虛

泄利下重者先以水五升煮薤白三

升煮取三升去滓以散三方寸匕內湯中煮取一升半

分溫再服

泄利下重者下焦氣滯也加薤白以泄氣滯

少陰病下利六七日

欬而嘔渴心煩不得眠者猪苓湯主之

下利不渴者裏寒也經曰自利

不渴者屬太陰以其藏寒故也此下利嘔渴知非裏寒心煩不得眠知協熱也與猪苓湯滲泄小便分別水穀

經曰復不止當利其小便此之謂與

少陰病得之二三日口燥咽乾者急

下之宜大承氣湯

傷寒傳經五六日邪傳少陰則口燥舌乾而渴為邪漸深也今少陰病得

之二三日邪氣未深入之時便作口燥咽乾者是邪熱已甚腎水乾也急與大承氣湯下之以全腎也少

陰病自利清水色純青心下必痛口乾燥者急下之宜

大承氣湯

少陰腎水也青肝色也自利色青為肝邪乘腎難經曰從前來者為實邪以腎蘊實邪必

心下痛口乾燥也與大承氣湯以下實邪

少陰病六七日腹脹不大便者急

下之宜大承氣湯

此少陰入府也六七日少陰之邪入府之時陽明內熱壅甚腹滿不大便

也陽明病土勝腎水則乾急與大承氣湯下之以救腎水

少陰病脉沉者急溫之宜

四逆湯

既吐且利小便復利而大汗出下利清穀內寒外熱脉微欲絕者不云急溫此少陰病脉沉而

云急溫者彼雖寒甚然而證已形見於外治之則有成法此初頭脉沉未有形證不知邪氣所之將發何病是急與四逆湯溫之

少陰病飲食入口則吐心中溫溫欲吐復不

能吐始得之手足寒脉弦遲者此胸中實不可下也當

吐之若膈上有寒飲乾嘔者不可吐也急溫之宜四逆

湯

傷寒表邪傳裏至於少陰少陰之脉從肺出絡心注胃中邪既留於胸中而不散者飲食入口則吐心中

溫溫欲吐陽受氣於胃中邪既留於胃中則陽氣不得宣發於外是以始得之手足寒脉弦遲此是胸中實不可下而當吐其膈上有寒飲亦使人心胸中溫溫而手足寒吐則物出嘔則物不出吐與嘔別焉胸中實則吐而物出若膈上有寒飲則但乾嘔而不吐也此不可吐可與四逆湯以溫其膈少陰病下利脉

微澀嘔而汗出必數更衣反少者當溫其上灸之脉微為亡

陽澀為亡血下利嘔而汗出亡陽亡血也津液不足裏有虛寒必數更衣反少者溫其上以助其陽也灸之以消其陰

辨厥陰病脉證并治法第十二

厥陰之為病消渴氣上撞心中疼熱飢而不欲食食

則吐虵下之利不止

邪傳厥陰則熱已深也邪自太陽傳至太陰則腹滿而噤乾未成渴

也邪至少陰者口燥舌乾而渴未成消也至厥陰成消渴者熱甚能消水故也飲水多而小便少者謂之消渴木生於火肝氣通心厥陰客熱氣上撞心中疼熱傷寒六七日厥陰受病之時為傳經盡則當入府胃虛客熱飢不欲食虵在胃中無食則動聞食臭而出得食吐虵此熱在厥陰經也若便下之虛其胃氣厥陰木邪相乘必吐

厥陰中風脉微浮為欲愈不浮為未愈

經曰陰病見陽

脉而生浮者陽也厥陰中風脉微浮為邪氣還表向汗之時故云欲愈

厥陰病欲解時從

丑至卯上

厥陰木也王於卯丑寅向王故為解時

厥陰病渴欲飲水者少

少與之愈

邪至厥陰為傳經盡欲汗之時渴欲得水者少少與之胃氣得潤則愈

諸四逆

厥者不可下之虛家亦然

四逆者四肢不溫也厥者手足冷也皆陽氣少而陰氣多

故不可下虛家亦然下之是為重虛金匱玉函曰虛者十補勿一瀉之

傷寒先厥後發熱

而利者必自止見厥復利

陰氣勝則厥逆而利陽氣復則發熱利必自止見厥則陰

氣還勝而復利也

傷寒始發熱六日厥反九日而利凡厥利者

當不能食今反能食者恐為除中食以索餅不發熱者

知胃氣尚在必愈恐暴熱來出而復去也後三日脉之

其熱續在者期之旦日夜半愈所以然者本發熱六日

厥反九日復發熱三日并前六日亦為九日與厥相應

故期之旦日夜半愈後三日脉之而脉數其熱不罷者

此為熱氣有餘必發癰膿也

始發熱邪在表也至六日邪傳厥陰陰氣勝者作厥

而利厥反九日陰寒氣多當不能食而反能食者恐為除中除去也中胃氣也言邪氣太甚除去胃氣胃欲引食自救故暴能食此欲勝也食以索餅試之若胃氣絕得麪則必發熱若不發熱者胃氣尚在也恐是寒極變熱因暴熱來而復去使之能食非除中也金匱要畧曰病人素不能食而反暴思之必發熱後三日脉之其熱續在者陽氣勝也期之旦日夜半愈若旦日不愈後三日脉數而熱不罷者為熱氣有餘必發癰膿經曰數脉不時則傷寒脉遲六七日而反與黃芩湯徹其熱脉遲生惡瘡

為寒今與黃芩湯復除其熱腹中應冷當不能食今反

能食此名除中必死

傷寒脉遲六七日為寒氣已深反與黃芩湯寒藥兩寒相搏腹中當

冷冷不消穀則不能食反能食者除中也四時皆以胃氣為本胃氣已絕故云必死傷寒先厥後

發熱下利必自止而反汗出咽中痛者其喉為痺發熱

無汗而利必自止若不止必便膿血便膿血者其喉不

痺

傷寒先厥而利陰寒氣勝也寒極變熱後發熱下利必自止而反汗出咽中痛其喉為痺者熱氣上行也

發熱無汗而利必自止利不止必便膿血者傷寒一二

日至四五日而厥者必發熱前熱者後必厥厥深者熱

亦深厥微者熱亦微厥應下之而反發汗者必口傷爛

赤

前厥後發熱者寒極生熱也前熱後厥者陽氣內陷也厥深熱深厥微熱微隨陽氣陷之深淺也熱之伏

深必須下去之反發汗者引熱上行必口傷爛赤內經曰火氣內發上為口糜傷寒病厥五日

熱亦五日設六日當復厥不厥者自愈厥終不過五日

以熱五日故知自愈

陰勝則厥陽勝則熱先厥五日為陰勝至六日陽復勝熱亦五日後

復厥者陰復勝若不厥為陽全勝故自愈經曰發熱四日厥反三日復熱四日厥少熱多其病為愈凡厥

者陰陽氣不相順接便為厥厥者手足逆冷是也

三手之陰

三陽相接於手十指足之三陰三陽相接於足十指陽氣內陷陽不與陰相順接故手足為之厥冷也傷

寒脉微而厥至七八日膚冷其人躁無暫安時者此為

藏厥非為虵厥也虵厥者其人當吐虵令病者靜而復時煩此為藏寒虵上入膈故煩須臾復止得食而嘔又煩者虵聞食臭出其人當自吐虵虵厥者烏梅圓主之又主久利方藏厥者死陽氣絕也虵厥雖厥而煩吐虵已則靜不若藏厥而躁無暫安時也病人藏寒胃虛虵動上膈聞食臭出因而吐虵與烏梅圓溫藏安蟲

烏梅圓方

烏梅

二百箇
味酸溫

細辛

六兩
辛熱

乾薑

十兩
辛熱

黃連

一斤
苦寒

當歸

四兩
辛溫

附子

六兩
辛熱
炮

蜀椒

四兩
汗辛熱
去

桂枝

辛熱 六兩

人參

甘溫 六兩

黃蘗

苦寒 六兩

肺主氣肺欲收急食酸以收之烏梅之酸以收肺氣
脾欲緩急食甘以緩之人參之甘以緩脾氣寒淫於
內以辛潤之以苦堅之當歸桂椒細辛之辛以潤內
寒寒淫所勝平以辛熱薑附之辛熱以勝寒虵得甘
則動得苦則安黃連
黃蘗之苦以安虵

右十味異搗篩合治之以苦酒漬烏梅一宿去核蒸
之五升米下飯熟擣成泥和藥令相得內臼中與蜜
杵二千下圓如梧桐子大先食飲服十圓日三服稍
加至二十圓禁生冷滑物臭食等

傷寒熱少厥微指頭寒默默不欲食煩燥數日小便利色白者此欲除也欲得食其病為愈若厥而嘔胃脇煩

滿者其後必便血

指頭寒者是厥微熱少也默默不欲食煩躁者邪熱初傳裏也數日之後

小便色白裏熱去欲得食為胃氣已和其病為愈厥陰之脈挾胃貫膈布脇肋厥而嘔胃脇煩滿者傳邪之熱甚於裏也厥陰肝主血後數日熱不去又不得外泄迫血下行必致便血病者手足厥冷言

我不結胃小腹滿按之痛者此冷結在膀胱關元也

手足

厥不結胃者無熱也小腹滿按之痛下焦冷結也

傷寒發熱四日厥反三日復

熱四日厥少熱多其病當愈四日至七日熱不除者其

後必便膿血

先熱後厥者陽氣邪傳裏也發熱為邪氣在表至四日後厥者傳之陰也後三日復

傳陽經則復熱厥少則邪微熱多為陽勝其病為愈至七日傳經盡熱除則愈熱不除者為熱氣有餘內搏厥

陰之血其後必大便膿血傷寒厥四日熱反三日復厥五日其病為

進寒多熱少陽氣退故為進也

傷寒陰勝者先厥至四日邪傳裏重陰必陽

却熱三日七日傳經盡當愈若不愈而復厥者傳作再經至四日則當復熱若不復熱至五日厥不除者陰勝

於陽其病進也傷寒六七日脉微手足厥冷煩躁灸厥陰厥不

還者死

傷寒六七日則正氣當復邪氣當罷脉浮身熱為欲解若反脉微而厥則陰勝陽也煩躁者陽

虛而爭也灸厥陰以復其陽厥不還則陽氣已絕不能復正而死傷寒發熱下利厥逆

躁不得卧者死

傷寒發熱邪在表也下利厥逆陽氣傷虛也躁不得卧者病勝藏也故死

寒發熱下利至甚厥不止者死

金匱要畧曰六府氣絕於外者手足寒五藏氣

絕於內者下利不禁傷寒發熱為邪氣獨甚下利至甚厥不止為府藏氣絕故死

傷寒六七日

不利便發熱而利其人汗出不止者死有陰無陽故也

傷寒至七日為邪正爭之時正勝則生邪勝則死始不利而暴忽發熱下利汗出不止者邪氣勝正陽氣脫

也故傷寒五六日不結胃腹濡脉虛復厥者不可下此

為亡血下之死

傷寒五六日邪氣當作裏實之時若不結胃而腹濡者裏無熱也脉虛者亡血

也復厥者陽氣少也不可下下之為重虛故死金匱玉函曰虛者重瀉真氣乃絕發熱而厥七

日下利者為難治

發熱而厥邪傳裏也至七日傳經盡則正氣勝邪當汗出而解反下利則

邪氣勝裏氣虛則為難治

傷寒脉促手足厥逆者可灸之

脉促則為陽虛不相

續厥逆則為陽虛不相接灸之以助陽氣

傷寒脉滑而厥者裏有熱也白虎

湯主之

滑為陽厥氣內陷是裏熱也與白虎湯以散裏熱也

手足厥寒脉細欲絕

者當歸四逆湯主之

手足厥寒者陽氣外虛不溫四末脉細欲絕者陰血內弱脉行不利

與當歸四逆湯助陽生陰也

當歸四逆湯方

當歸

三兩辛溫

桂枝

三兩辛熱

芍藥

三兩酸寒

細辛

三兩辛熱

大棗

二十五箇甘溫

甘草

二兩炙甘平

通草

二兩甘平

內經曰脉者血之府也諸血者皆屬心通脉者必先補心益血苦先入於心當歸之苦以助心血心苦緩急食酸以收之芍藥之酸以收心氣肝苦急急食甘以緩之大棗甘草通草之甘以緩陰血

右七味以水八升煮取三升去滓溫服一升日三服

若其人內有久寒者宜當歸四逆加吳茱萸生薑湯主

之

茱萸辛溫以散久寒生薑辛溫以行陽氣

大汗出熱不去內拘急四肢疼

又下利厥逆而惡寒者四逆湯主之

大汗出則熱當去熱反不去者亡陽

也內拘急下利者寒甚於裏四肢疼厥逆而惡寒者寒甚於表與四逆湯復陽散寒 大汗若大下

利而厥冷者四逆湯主之

大汗若大下利內外雖殊其亡津液損陽氣則一也陽虛

陰勝故生厥逆與四逆湯固陽退陰

病人手足厥冷脉乍緊者邪結在胸

中心下滿而煩飢不能食者病在胃中當須吐之宜瓜

蒂散

手足厥冷者邪氣內陷也脉緊牢者為實邪氣入府則脉沉今脉乍緊知邪結在胃中為實故心下

滿而煩胃中無邪則喜飢以病在胃中雖飢而不能食與瓜蒂散以吐胃中之邪

傷寒厥而心

下悸者宜先治水當服茯苓甘草湯却治其厥不爾水

漬入胃必作利也

金匱要畧曰水停心下甚者則悸厥雖寒甚然以心下悸為水飲內甚先

與茯苓甘草湯治其水而後治其厥若先治厥則水飲浸漬入胃必作下利

傷寒六七日大

下後寸脉沉而遲手足厥逆下部脉不至咽喉不利唾

膿血泄利不止者為難治麻黃升麻湯主之

傷寒六七
日邪傳厥

陰之時大下之後下焦氣虛陽氣內陷寸脉遲而手足
厥逆下部脉不至厥陰之脉貫膈上注肺循喉嚨在厥
陰隨經射肺因亡津液遂成肺痿咽喉不利而唾膿血
也金匱要畧曰肺痿之病從何得之被快藥下利重亡
津液故得之若泄利不止者為裏氣大虛
故云難治與麻黃升麻湯以調肝肺之氣

麻黃升麻湯方

麻黃

二兩半去節甘溫

升麻

一兩一分甘平

當歸

一兩一分辛溫

知母

苦寒

黃芩

苦寒

姜薤

各十八銖

石膏

碎綿裹
甘寒

白朮

甘溫

乾薑

辛熱

芍藥

酸平

天門冬

去心
甘平

桂枝

辛熱

茯苓

甘平

甘草

炙甘平
各六銖

玉函曰大熱之氣寒以取之甚熱之氣以汗發之麻黃升麻之甘以發浮熱正氣虛者以辛潤之當歸桂薑之辛以散寒上熱者以苦泄之知母黃芩之苦涼心去熱津液少者以甘潤之茯苓白朮之甘緩脾生津肺燥氣熱以酸收之以甘緩之芍藥之酸以斂逆氣姜萆天門冬石膏甘草之甘潤肺除熱

右十四味以水一斗先煮麻黃一兩沸去上沫內諸

藥煮取三升去滓分溫三服相去如炊三斗米頃令

盡汗出愈

傷寒四五日腹中痛若轉氣下趨少腹者此欲自利也

傷寒四五日邪氣傳裏之時腹中痛轉氣下趨少腹者裏虛遇寒寒氣下行欲作自利也傷寒本自

寒下醫復吐下之寒格更逆吐下若食入口即吐乾薑

黃連黃芩人參湯主之

傷寒邪自傳表為本自寒下醫反吐下損傷正氣寒氣內為格

拒經曰格則吐逆食入口即吐謂之寒格更復吐下則重虛而死是更逆吐下與乾薑黃連黃芩人參湯以通

寒格

乾薑黃連黃芩人參湯方

乾薑

辛熱

黃連

苦寒

黃芩

苦寒

人參

甘溫

三兩

辛以散之甘以緩之乾薑人參之甘辛以補正氣苦以泄之黃連黃芩之苦以通寒格

右四味以水六升煮取二升去滓分溫再服

下利有微熱而渴脉弱者今自愈

下利陰寒之疾反大熱者逆有微熱而渴

裏氣方溫也經曰諸弱發熱脉弱者陽氣得復也今必自愈

下利脉數有微熱汗出

今自愈設復緊為未解

下利陰病也脉數陽脉也陰病見陽脉者生微熱汗出陽氣得

通也利必自愈諸緊為寒設復脉緊陰氣猶勝故云未解

下利手足厥冷無脉者灸

之不溫若脉不還反微喘者死

下利手足厥逆無脉者陰氣獨勝陽氣大虛也

炙之陽氣復手足溫而脈還為欲愈若手足不溫脈不還者陽已絕也反微喘者陽氣脫也少陰負

跌傷者為順也

少陰腎水跌陽脾土下利為腎邪干脾水不勝土則為微邪故為順也

下

利寸脈反浮數尺中自濇者必清膿血

下利者脈當沉而遲反浮數者

裏有熱也濇為無血尺中自濇者腸胃血散也隨利下必便膿血清與固通脈經曰清者瀉也

下利清

穀不可攻表汗出必脹滿

下利者脾胃虛也胃為津液之主發汗亡津液則胃氣愈

虛必脹滿下利脈沉弦者下重也脈大者為未止脈微弱數

者為欲自止雖發熱不死

沉為在裏弦為拘急裏氣不足是主下重大則病進此利

未止脈微弱數者邪氣微而陽氣復為欲自止雖發熱只由陽勝非大逆也

下利脈沉而遲

其人面少赤身有微熱下利清穀者必鬱冒汗出而解

病人必微厥所以然者其面戴陽下虛故也

下利清穀
脈沉而遲

裏有寒也面少赤身有微熱表未解也病人微厥針經曰下虛則厥表邪欲解臨汗之時以裏先虛必鬱冒然而解也後汗出下利脈數而渴者今自愈設不差必清膿血以

有熱故也

經曰脈數不解而下不止必協熱便膿血也

下利後脈絕手足厥

冷晬時脈還手足溫者生脈不還者死

下利後脈絕手足厥冷者無陽

也晬時周時也周時厥愈脈出為陽氣復則生若手足不溫脈不還者為陽氣絕則死

傷寒下利

日十餘行脈反實者死

下利者裏虛也脈當微弱反實者病勝藏也故死難經曰脈不

應病病不應
脉是為死病
下利清穀裏寒外熱汗出而厥者通脉四

逆湯主之

下利清穀為裏寒身熱不解為外熱汗出陽氣通行於外則未當厥其汗出而厥者陽氣

大虛也與通脉四逆湯以固陽氣熱利下重者白頭翁湯主之

利則津液少熱

則傷氣氣虛不和致後重也與白頭翁湯散熱厚腸

白頭翁湯方

白頭翁

二兩苦寒

黃連

苦寒

黃蘗

苦寒

秦皮

苦寒各三兩

內經曰腎欲堅急食苦以堅之利則下焦虛是以純苦之劑堅之

右四味以水七升煮取二升去滓溫服一升不愈更

服一升

下利腹脹滿身體疼痛者先溫其裏乃攻其表溫裏宜

四逆湯攻表宜桂枝湯

下利腹滿者裏有虛寒先與四逆湯溫裏身疼痛為表未解利

止裏和與桂枝湯攻表

下利欲飲水者以有熱故也白頭翁湯主

之

自利不渴為藏寒與四逆湯以溫藏下利飲水為有熱與白頭翁湯以涼中

下利譫語者

有燥屎也宜小承氣湯

經曰實則譫語有燥屎為胃實下利為腸虛與小承氣湯以下

燥屎下利後更煩按之心下濡者為虛煩也宜梔子豉湯

下利後不煩為欲解若更煩而心下堅者恐為穀煩此煩而心下濡者是邪熱乘虛客於胃中為虛煩也與梔

子豉湯吐之即愈

嘔家有癰膿者不可治嘔膿盡自愈

胃脘有癰則嘔

而吐膿不可治嘔得膿盡嘔即自愈

嘔而脉弱小便復利身有微熱見厥

者難治四逆湯主之

嘔而脉弱為邪氣傳裏嘔則氣上逆而小便當不利小便復利者裏

虛也身有微熱見厥者陰勝陽也為難治與四逆湯溫裏助陽

乾嘔吐涎沫頭痛者吳

茱萸湯主之

乾嘔吐涎沫者裏寒也頭痛者寒氣上攻也與吳茱萸湯溫裏散寒嘔而發

熱者小柴胡湯主之

經曰嘔而發熱者柴胡證具

傷寒大吐大下之

極虛復極汗出者以其人外氣怫鬱復與之水以發其

汗因得噦所以然者胃中寒冷故也

大吐大下胃氣極虛復極發汗又亡

陽氣外邪怫鬱於表則身熱醫與之水傷寒噦而腹滿

視其前後知何部不利利之則愈

噦而腹滿氣上而不

不利者即利之以降其氣前部小便也後部者大便也

釋音

蹇

音拳不仲也

憤

扶粉切滿也

惡濕

上烏路切趾也憎也

撞

宅江切擊也

傷寒論注釋卷六

欽定四庫全書

傷寒論注釋卷七

金成無已注

辨霍亂病脉證并治法第十三

問曰病有霍亂者何荅曰嘔吐而利名曰霍亂

三焦者水穀之

道路邪在上焦則吐而不利邪在下焦則利而不吐邪在中焦則既吐且利以飲食不節寒熱不調清濁相干陰陽乖隔遂成霍亂輕者止曰問曰病發熱頭痛身疼吐利重者揮霍撩亂名曰霍亂

惡寒吐利者此屬何病荅曰此名霍亂自吐下又利止

復更發熱也

發熱頭痛身疼惡寒者本是傷寒因邪入裏傷於脾胃上吐下利今為霍亂利止裏

和復更發熱者還是傷寒必汗出而解

傷寒其脉微澀者本是霍亂今是

傷寒却四五日至陰經上轉入陰必利本嘔下利者不

可治也欲似大便而反失氣仍不利者屬陽明也便必

鞭十三日愈所以然者經盡故也

微為亡陽澀為亡血傷寒脉微澀則本是

霍亂吐利亡陽亡血吐利止傷寒之邪未已還是傷寒却四五日邪傳陰經之時裏虛遇邪必作自利本嘔者

邪甚於上又利者邪甚於下先霍亂裏氣太虛又傷寒之邪再傳為吐利是重虛也故為不治若欲似大便而

反失氣仍不利者利為虛不利為實欲大便而反失氣裏氣熱也此屬陽明便必鞭也十三日愈者傷寒六日

傳遍三陰三陽後六日再傳經盡則陰陽之氣和大邪之氣去而愈也

下利後當便鞭

則能食者愈今反不能食到後經中頗能食復過一經

能食過之一日當愈不愈者不屬陽明也

下利後亡津液當便鞭能

食為已和必自愈不能食者為未和到後經中為復過一經言七日後再經也頗能食者胃氣方和過一日當

愈不愈者暴熱使之能食非陽明氣和也

惡寒脉微而復利利止亡血也四

逆加人參湯主之

惡寒脉微而利者陽虛陰勝也利止則津液內竭故云亡血金匱玉函曰水竭

則無血與四逆湯溫經助陽加人參生津液益血

霍亂頭痛發熱身疼痛熱多

欲飲水者五苓散主之寒多不用水者理中圓主之

頭痛

發熱則邪自風寒而來中焦為寒熱相半之分邪稍高者居陽分則為熱熱多欲飲水者與五苓散以散之邪稍下者居陰分則為寒寒多不用水者與理中丸溫之

理中圓方

人參

甘溫

甘草

甘平炙

白朮

甘溫

乾薑

辛熱以上各三兩

內經曰脾欲緩急食甘以緩之用甘補之人參白朮甘草之甘以緩脾氣調中寒淫所勝平以辛熱乾薑

之辛以溫

胃散寒

右四味搗篩為末蜜和丸如雞黃大以沸湯數合和

一丸研碎溫服之日三四夜貳服腹中未熱益至三

四丸然不及湯湯法以四物依兩數切用水八升煮取三升去滓溫服一升日三服加減法

若臍上築者腎氣動也去朮加桂四兩

脾虛腎氣動者臍上築動內經

曰甘者令人中滿不甘壅補桂泄奔豚是相易也

吐多者去朮加生薑三兩

嘔家

不喜甘故去朮嘔家多服生薑以辛散之

下多者還用朮悸者加茯苓二兩

下多者用朮以去濕悸加茯苓以導氣

渴欲得水者加朮足前成四兩半

津液不足則渴求甘以緩之

腹中痛者加人參足前成四兩半

裏虛則痛

加人參以補之

寒者加乾薑足前成四兩半

寒淫所勝平以辛熱

腹滿者

去朮加附子一枚服湯後如食頃飲熱粥一升許微自

溫勿發揭衣被

胃虛則氣壅腹滿甘令人中滿是去朮也附子之辛以補陽散壅

吐利

止而身痛不休者當消息和解其外宜桂枝湯小和之

吐利止裏和也身痛不休表未解也與桂枝湯小和之外臺云裏和表病汗之則愈

吐利汗出發

熱惡寒四肢拘急手足厥冷者四逆湯主之

上吐下利裏虛汗出

發熱惡寒表未解也四肢拘急于足厥冷陽虛陰勝也與四逆湯助陽退陰

既吐且利小便

復利而大汗出下利清穀內寒外熱脉微欲絕者四逆

湯主之

吐利亡津液則小便利當少小便利復利而大汗出津液不禁陽氣大虛也脉微為亡陽若無外熱

但內寒下利清穀為純陰此以外
熱為陽未絕猶可與四逆湯救之
吐已下斷汗出而厥

四肢拘急不解脉微欲絕者通脉四逆加猪膽汁湯主

之

吐已下斷津液內竭則不當汗出者不當厥今汗出而厥四肢拘急不解脉微欲絕者陽氣大虛陰

氣獨勝也若純與陽藥恐陰為格拒或嘔或躁不得復入也與通脉四逆湯加猪膽汁膽苦入心而通脉膽寒

補肝而和陰引置湯藥不被格拒內吐利發汗脉平小

經曰微者逆之甚者從之此之謂也

煩者以新虛不勝穀氣故也

內經曰食入於陰長氣於陽新虛不勝穀氣是生小

煩

辨陰陽易差後勞復病證并治法第十四

傷寒陰陽易之為病其人身體重少氣少腹裏急或引

陰中拘攣熱上衝胃頭重不欲舉眼中生花膝脛拘急

者燒裊散主之

大病新差血氣未復餘熱未盡強合陰陽得病者名曰易男子病新差未平復

而婦人與之交得病名曰陽易婦人病新差未平復男子與之交得病名曰陰易以陰陽相感動其餘毒相染著如換易也其人病身體重少氣者損動真氣也少腹裏急引陰中拘攣膝脛拘急陰氣極也熱上衝胃頭重不欲舉眼中生花者感動之毒所易之氣熏蒸於上也與燒裊散以導陰氣

燒裊散方

右取婦人中裊近隱處剪燒灰以水和服方寸匕日

三服小便即利陰頭微腫則愈婦人病取男子裨襠

燒灰

大病差後勞復者枳實梔子湯主之若有宿食者加大

黃如博碁子大五六枚

病有勞復有食復傷寒新差血氣未平餘熱未盡早作勞動病

者名曰勞復病熱少愈而強食之熱有所藏因其穀氣留搏兩陽相合而病者名曰食復勞復則熱氣浮越與枳實梔子豉湯以解之食復則則胃有宿積加大黃以下之

枳實梔子豉湯方

枳實

三枚炙苦寒

梔子

十四枚擘苦寒

豉

一升綿裹苦寒

枳實梔子豉湯則應吐劑此云覆令微似汗出者以其熱聚於上苦則吐之熱散於表者苦則發之內經

曰火淫所勝以苦發之此之謂也

右三味以清漿水七升空煮取四升內枳實梔子煮取二升下豉更煮五六沸去滓溫分再服覆令微似汗

傷寒差已後更發熱者小柴胡湯主之脉浮者以汗解之脉沉實者以下解之

差後餘熱未盡更發熱者與小柴胡湯以和解之脉浮者熱在

表也故以汗解脉沉者熱在裏也故以下解之大病差後從腰已下有水氣者

牡蠣澤瀉散主之

大病差後脾胃氣虛不能制約腎水

牡蠣澤瀉散利小便而散水也

牡蠣澤瀉散方

牡蠣

鹹平

澤瀉

鹹寒

括蔞根

苦寒

蜀漆

辛平洗去腥

葶藶

苦寒

商陸根

鹹平

海藻

鹹寒洗去鹹已上各等分

鹹味湧泄牡蠣澤瀉海藻之鹹以泄水氣內經曰濕淫於內平以苦佐以酸辛以苦泄之蜀漆葶藶括樓

商陸之酸辛與苦以葶藶腫濕

右七味異搗下篩為散更入臼中治之白飲和服方

寸匕 小便利止後服日參

大病差後喜睡久不了了者胃上有寒當以圓藥溫之

宜理中圓

汗後陽氣不足胃中虛寒不內津液故喜睡不了了與理中丸以溫其胃

傷寒解

後虛羸少氣氣逆欲吐者竹葉石膏湯主之

傷寒解後津液不足

而虛羸餘熱未盡熱則傷氣故少氣氣逆欲吐與竹葉石膏湯調胃散熱

竹葉石膏湯方

竹葉

二把 平

石膏

一斤 甘寒

半夏

半斤 洗 辛溫

麥門冬

一升 甘 平 去心

人參

三兩 甘溫

甘草

二兩 甘 平 炙

粳米

半升甘微寒

辛甘發散而除熱竹葉石膏甘草之甘辛以發散餘熱甘緩脾而益氣麥門冬人參粳米之甘以補不足辛者散也氣逆者欲其散半夏之辛以散氣逆

右七味以水一斗煮取六升去滓內粳米煮米熟湯成去米溫服一升日三服

病人脉已解而日暮微煩以病新差人強與穀脾胃氣

尚弱不能消穀故令微煩損穀則愈

陽明王於申酉戌宿食在胃故日暮

微煩當小下之以損宿穀

辨不可發汗病脉證并治法第十五

夫以為疾病至急倉卒尋按要者雖得故重集諸可與不可方治比之三陰三陽篇中此易見也又時有不止

是三陰三陽出在諸可與不可中也

諸不可汗不可下病證藥方前三陰三陽

篇中經注已具者更不復出其餘無者於此已後復注備見

脉濡而弱弱反在關濡

反在巔微反在上濇反在下微則陽氣不足濇則無血

陽氣反微中風汗出而反躁煩濇則無血厥而且寒陽

微發汗躁不得眠

寸關為陽脉當浮盛弱反在關則裏氣不及濡反在巔則表氣不達衛行

脉外浮為在上以候衛微反在上是陽氣不足榮行脉中沉為在下以候榮微反在下是無血也陽微不能固外腠理開疎風因客之故令汗出而躁煩無血則陰虛不與陽相順接故厥而且寒陽微無津液則不能作汗若發汗則必亡陽而躁經曰汗多亡陽遂虛惡風煩躁不得眠也

動氣在右不可發汗

發汗則衄而渴心苦煩飲即吐水

動氣者築築然氣動也在右者在臍之右

也難經曰肺內証臍右有動氣按之牢若痛肺氣不治正氣內虛氣動於臍之右也發汗則動肺氣肺主氣開竅於鼻氣虛則不能衛血血溢妄行隨氣出於鼻為衄亡津液胃燥則煩渴而心苦煩肺惡寒飲冷則傷肺故

飲即吐水

動氣在左不可發汗發汗則頭眩汗不止筋惕肉

閏難經曰肝內証臍左有動氣按之牢若痛肝氣不治正氣內虛氣動於臍之左也肝為陰之主發汗汗不治

止則亡陽外虛故頭眩筋惕肉瞤針經曰上虛則眩動氣在上不可發汗發汗則

氣上衝正在心端

難經曰心內證膈上有動氣按之牢若痛心氣不治正氣內虛氣動於膈

之上也心為陽發汗亡陽則愈損心氣腎乘心虛欲上凌心故氣上衝正在心端動氣在下不

可發汗發汗則無汗心中大煩骨節苦疼目運惡寒食

則反吐穀不得前

難經曰腎內證膈下有動氣按之牢若痛腎氣不治正氣內虛動氣發於

膈之下也腎者主水發汗則無汗者水不足也心中大煩者腎虛不能制心火也骨節苦疼者腎主骨也目運者腎病則目眩眩如無所見惡寒者腎主寒也食則反吐穀不得前者腎水乾也王冰曰病嘔而吐食久反出是無水也咽中閉塞不可發汗發汗則吐血氣欲絕手足厥

冷欲得蹠卧不能自温

咽門者胃之系胃經不和則咽內不利發汗攻陽血隨發散而

上必吐血也胃經不和而反攻表則陽虛於外故氣欲絕手足冷欲蹠而不能自温諸脉得數動

微弱者不可發汗發汗則大便難腹中乾胃燥而煩其

形相象根本異源

動數之脉為熱在表微弱之脉為熱在裏發汗亡津液則熱氣愈甚胃中

乾燥故大便難腹中乾胃燥而煩根本雖有表裏之異逆治之後熱傳之則一是以病形相象也脉濡

而弱弱反在關濡反在巔弦反在上微反在下弦為陽

運微為陰寒上實下虛意欲得温微弦為虛不可發汗

發汗則寒慄不能自還

弦在上則風傷氣風勝者陽為之運動微在下則寒傷血血傷

者裏為之陰寒外氣拂鬱為上實裏有陰寒為下虛表
熱裏寒意欲得溫若反發汗亡陽陰獨故寒慄不能自
還欬者則劇數吐涎沫咽中必乾小便不利心中饑煩

晬時而發其形似瘧有寒無熱虛而寒慄欬而發汗蹇

而苦滿腹中復堅

肺寒氣逆欬者則劇吐涎沫亡津液咽中必乾小便不利膈中陽氣虛心

中飢而煩一日一夜氣大會於肺邪上相擊晬時而發形如寒瘧但寒無熱虛而寒慄發汗攻陽則陽氣愈虛陰寒愈甚故蹇而厥脉緊不可發汗發汗則聲亂咽嘶
苦滿腹中復堅

舌萎聲不得前

厥而脉緊則少陰傷寒也法當溫裏而反發汗則損少陰之氣少陰之脉入肺

中循喉嚨扶古本腎為之本肺為之標本虛則標弱故聲亂咽嘶舌萎聲不得前

諸逆發汗病

微者難差劇者言亂目眩者死命將難全

不可發汗而強發之輕者

因發汗增重而難差重者脫其陰陽之氣言亂目眩而死難經曰脫陽者見鬼是此言亂也脫陰者目盲是此

目眩也眩非玄而見玄是近於盲也欬而小便利若失小便者不可發汗

汗出則四肢厥逆冷

肺經虛冷上虛不能治下者欬而小便利或失小便上虛發汗則陽

氣外亡四肢者諸陽之本陽虛則不與陰相接故四肢厥逆冷傷寒頭痛翕翕發熱形

象中風常微汗出自嘔者下之益煩心中懊憹如飢發

汗則致瘥身強難以屈伸熏之則發黃不得小便久則

發咳唾

傷寒當無汗惡寒今頭痛發熱微汗出自嘔則傷寒之邪傳而為熱欲行於裏若反下之邪熱

乘虛流於胃中為虛煩心懊憹如飢若發汗則虛表熱
歸經絡熱甚生風故身強直而成瘥若重之則火熱相
合消燂津液故小便不利而發黃肺惡
火久則火熱傷肺必發咳嗽而唾膿

辨可發汗病脉證并治法第十六

大法春夏宜發汗

春夏陽氣在外邪氣亦在外故可發汗

凡發汗欲令手

足俱周時出以絜絜然一時間許益佳不可令如水流

漓若病不解當重發汗汗多必亡陽陽虛不得重發汗

也

汗緩緩出則表裏之邪悉去汗大出則邪氣不除但亡陽也陽虛為無津液故不可重發汗

凡服

湯發汗中病便止不必盡劑

汗多則亡陽

凡云可發汗無湯

者圓散亦可用要以汗出為解然不如湯隨證良驗

聖濟

經曰湯液主治本乎腠理壅鬱除邪氣者於湯為宜金匱玉函曰水能淨萬物故用湯也夫病脉浮

大問病者言但便鞭爾設利者為大逆鞭為實汗出而

解何以故脉浮當以汗解

經曰脉浮大應發汗醫反下之為大逆便鞭難雖為裏實

亦當先解其外若行利藥是為大逆結胃雖急脉浮大猶不可下下之即死况此便難乎經曰本發汗而復下

之此為逆若先發汗治不為逆

下利後身疼痛清便自調者急當救表

宜桂枝湯發汗

外臺云裏和表病汗之則愈

音釋

拒

音巨
抑也

函

音含
又音
成書函

眊

音荒
目
不明也

傷寒論注釋卷七

欽定四庫全書

傷寒論注釋卷八

金成無已注

辨發汗後病脉證并治法第十七

發汗多亡陽譏語者不可下與柴胡桂枝湯和其榮衛

以通津液後自愈

胃為水穀之海津液之主發汗多亡津液胃中燥必發譏語脉非實熱則

不可下與柴胡桂枝湯和其榮衛通行津液津液生則胃潤譏語自止

此一卷第十七篇凡三十一證前有詳說

辨不可吐第十八

合四證已具太陽篇中

辨可吐第十九

大法春宜吐

春時陽氣在上邪氣亦在上故宜吐

凡用吐湯中病即止不

必盡劑也

要在適當不欲過也

病胃上諸實胃中鬱鬱而痛不能

食欲使人按之而反有涎唾下利日十餘行其脉反遲

寸口脉微滑此可吐之吐之利則止

胃上諸實或痰實或熱鬱或寒結胸

中鬱而痛不能食欲使人按之反有涎唾者邪在下按之氣下而無涎唾此按之反有涎唾者知邪在胃中經

曰下利脉遲而滑者內實也今下利日十餘行其脉反遲寸口脉微滑是上實也故可吐之玉函曰上臑不已吐而宿食在上臑者當吐之宿食在中下臑者則宜下奪之宿食在上臑則當吐內經

曰其高者因而越之其下者引而竭之病人手足厥冷脉乍結以客氣在

胃中心下滿而煩欲食不能食者病在胃中當吐之與此

第六卷厥陰門瓜蒂散證同彼云脉乍緊此云脉乍結惟此有異緊為內實乍緊則實未深是邪在胃中結為結實乍結則結未深是邪在胸中所以證治俱同也

音釋

臑

音管胃府也

竭

渠孽切盡也

蒂

音帝瓜蒂也

傷寒論注釋卷八

欽定四庫全書

傷寒論注釋卷九

金成無已注

辨不可下病脉證并治法第二十

脉濡而弱弱反在關濡反在巔微反在上澀反在下微

則陽氣不足澀則無血陽氣反微中風汗出而反躁煩

澀則無血厥而且寒陽微不可下下之則心下痞鞭陽微

下之陽氣已虛陰氣內甚故心下痞鞭

動氣在右不可下下之則津液內

渴咽噪鼻乾頭眩心悸也

動氣在右肺之動也下之傷胃動肺津液內竭咽燥鼻乾

者肺屬金主燥也頭眩心悸者肺主氣而虛也

動氣在左不可下下之則腹內

拘急食不下動氣更劇雖有身熱卧則欲蹠

動氣在左肝之動也

下之損脾而肝氣益勝復行於脾故腹內拘急食不下動氣更劇也雖有身熱以裏氣不足故卧則欲蹠動

氣在上不可下下之則掌握熱煩身上浮冷熱汗自泄

欲得水自灌

動氣在上心之動也下之則傷胃內動心氣心為火主熱針經曰心所生病者掌中

熱肝為藏中之陰病則雖有身熱卧則欲蹠作表熱裏寒也心為藏中之陽病則身上浮冷熱汗自泄欲得水

自灌作表寒裏熱也二動氣在下不可下下之則腹脹

藏陰陽寒熱明可見焉

滿卒起頭眩食則下清穀心下痞也

動氣在下腎之動也下之則傷脾腎

氣則動腎寒乘脾故有腹滿頭眩下清穀心下痞之證也

咽中閉塞不可下下之則

上輕下重水漿不下卧則欲蹠身急痛下利日數十行

咽中閉塞胃已不和也下之則閉塞之邪為上輕復傷胃氣為下重至水漿不下卧則欲蹠身急痛下利日數

十行知虛寒也

諸外實者不可下下之則發微熱亡脉厥者當

臍握熱

外實者表熱也汗之則愈下之為逆下後裏虛表熱內陷故發微熱厥深者熱亦深亡脉厥者

則陽氣深陷客於下焦故當臍握熱諸虛者不可下下之則大渴求水者

易愈惡水者劇

金匱玉函曰虛者十補勿一瀉之虛家下之為重虛內竭津液故令大渴求水者

陽氣未竭而猶可愈惡水者陽氣已竭則難可制

脉濡而弱弱反在關濡反在

巔弦反在上微反在下弦為陽運微為陰寒上實下虛

意欲得溫微弦為虛虛者不可下也

虛家下之是為重虛難經曰實實虛

虛損不足益有餘此者是中工所害也

微則為欬欬則吐涎下之則欬止

而利因不休利不休則胷中如蟲齧粥入則出小便不

利兩脇拘急喘息為難頸背相引臂則不仁極寒反汗

出身冷若冰眼睛不慧語言不休而穀氣多入此為除

中口雖欲言舌不得前

內經曰感於寒則受病微則為欬甚則為泄為痛肺感微寒為

欬則肺亦微也下之氣下欬雖止而因利不休利不休則奪正氣而成危惡胃中如蟲齧粥入則出小便利不利兩脇拘急喘息為難者裏氣損也頸背相引臂為不仁極寒反汗出身冷如冰者表氣損也表裏損極至陰陽俱脫眼睛不慧語言不休難經曰脫陽者見鬼脫陰者目盲陰陽脫者應不能食而穀多入者此為除中是胃氣除去也口雖欲言舌不得前氣已衰脫不能運也脉濡而弱弱反在關濡反在

顛浮反在上數反在下浮為陽虛數為亡血浮為虛數為熱浮為虛自汗出而惡寒數為痛振寒而慄微弱在關胃下為急喘汗而不得呼吸呼吸之中痛在於脇振寒相搏形如瘧狀醫反下之故令脉數發熱狂走見鬼

心下為痞小便淋瀝小腹甚鞭小便則尿血也

則弱在關則陰氣

內弱濡在巔則陽氣外弱浮為虛浮在上則衛不足也故云陽虛陽虛不固故腠理汗出惡寒數亦為虛數在下則榮不及故云亡血亡血則不能溫潤府藏脉數而痛振而寒慄微弱在關邪氣傳裏也裏虛遇邪胃下為急喘而汗出脇下引痛振寒如瘧此裏邪未實表邪未解醫反下之裏氣益虛邪氣內陷故脉數發熱狂走見鬼心下為痞此熱陷於中焦者也若熱氣深陷則客於下焦使小便淋瀝小腹甚鞭小便尿血也脉濡而緊濡則衛氣微緊則榮中寒陽微衛中風發熱而惡寒榮緊胃氣冷微嘔心內煩醫為有大熱解肌而發汗亡陽虛煩躁心下苦痞堅表裏俱虛竭卒起而頭眩客

熱在皮膚悵快不得眠不知胃氣冷緊寒在關元技巧
無所施汲水灌其身客熱應時罷慄慄而振寒重被而
覆之汗出而冒顛體惕而又振小便為微難寒氣因水
發清穀不容間嘔變反腸出顛倒不得安手足為微逆

身冷而內煩遲欲從後救安可復追還

胃冷榮寒陽微中風發熱惡寒

微嘔心煩醫不溫胃反為有熱解肌發汗則表虛亡陽
煩燥心下痞堅先裏不足發汗又虛其表表裏俱虛竭
卒起頭眩客熱在表悵快不得眠醫不救裏但責表熱
汲水灌洗以却熱客熱易罷裏寒益增慄而振寒復以
重被覆之表虛遂汗出愈使陽氣虛也顛頂也頂冒顛
體振寒小便難者亡陽也寒因水發下為清穀上為嘔

吐外有厥逆內為躁煩顛倒不安雖欲拯救不可得也本草曰病勢已過命將難全脉浮而大浮

為氣實大為血虛血虛為無陰孤陽獨下陰部者小便

當赤而難胞中當虛今反小便利而大汗出法應衛家

當微今反更實津液四射榮竭血盡乾煩而不得眠血

薄肉消而成暴液醫復以毒藥攻其胃此為重虛客陽

去有期必下如汚泥而死

衛為陽榮為陰衛氣強實陰血虛弱陽來陰虛下至陰部

陰部下焦也陽為熱則消津液當小便赤而難今反小便利而大汗出者陰氣內弱也經曰陰弱者汗自出是以衛家不微而反更實榮竭血盡乾煩而不眠血薄則肉消而成暴液者津液四射也醫反下之又虛其裏是

為重虛孤陽因下而又脫去氣血皆竭胃氣內盡必下如汚泥而死也

脉數者久數不止

止則邪結正氣不能復正氣却結於藏故邪氣浮之與

皮毛相得脉數者不可下下之則必煩利不止

數為熱止則邪

氣結於經絡之間正氣不得復行於表則却結於藏邪氣獨浮於皮毛下之虛其裏邪熱乘虛而入裏虛叶熱必煩利脉浮大應發汗醫反下之此為大逆

浮大屬表故不可下

病欲吐者不可下嘔多雖有陽明證不可攻之

為邪猶在胃中

也太陽病外證未解不可下下之為逆

表未解者雖有裏證亦不可下

當先解外為順若反下之則為逆也經曰本發汗而復下之此為逆也若先發汗治不為逆

夫病陽多

者熱下之則鞭

陽熱證多則津液少下之雖除熱復損津液必便難也或謂陽多者表熱也下

之則心下鞭

無陽陰強大便鞭者下之則必清穀腹滿

無陽者亡

津液也陰強者寒多也大便鞭則為陰結下之虛胃陰寒內甚必清穀腹滿

傷寒發熱頭痛

微汗出發汗則不識人熏之則喘不得小便心腹滿下

之則短氣小便難頭痛背強加溫針則血

傷寒則無汗發熱頭痛微

汗出者寒邪變熱欲傳於裏也發汗則亡陽增熱故不識人若以大熏之則火熱傷氣內消津液結為裏實故喘不得小便心腹滿若反下之則內虛津液邪欲入裏外動經絡故短氣小便難頭痛背強若加溫針益陽增熱必動其血傷寒脉陰陽俱緊惡寒發熱則脉欲厥厥而為血也

者脉初來大漸漸小更來漸漸大是其候也如此者惡寒甚者翕翕汗出喉中痛熱多者目赤脉多睛不慧醫復發之咽中則傷若復下之則兩目閉寒多者便清穀熱多者便膿血若熏之則身發黃若熨之則咽燥若小便利者可救之小便難者為危殆

脉陰陽俱緊則清邪中上濁邪中下太陽

少陰俱感邪也惡寒者少陰發熱者太陽脉欲厥者表邪欲傳裏也惡寒甚者則變熱翕翕汗出喉中痛以少陰之脉循喉嚨故也熱多者太陽多也目赤脉多者睛不慧以太陽之脉起於目故也發汗攻陽則少陰之熱因發而上行故咽中傷若復下之則太陽之邪因虛而內陷故兩目閉陰邪下行為寒多必便清穀陽邪下行

為熱多必使膿血熏之則大熱甚身必發黃熨之則火熱輕必為咽燥小便利者為津液未竭猶可救之小便難者精液已竭則傷寒發熱口中勃勃氣出頭痛目黃難可制而危殆矣傷寒發熱口中勃勃氣出頭痛目黃不可制貪水者必嘔惡水者厥若下之咽中生瘡假令手足溫者必下重便膿血頭痛目黃者若下之則兩目閉貪水者脉必厥其聲嚶咽喉塞若發汗則戰慄陰陽俱虛惡水者若下之則裏冷不嗜食大便完穀出若發汗則口中傷舌上白胎煩躁脉數實不大便六七日後必便血若發汗則小便自利也

傷寒發熱寒變熱也口中勃勃氣出熱客

上膈也頭痛目黃衄不可制者熱蒸於上也千金曰無
陽即厥無陰即嘔貪水者必嘔則陰虛也惡水者厥則
陽虛也發熱口中勃勃氣出者咽中已熱也若下之亡
津液則咽中生瘡熱因裏虛而下若熱氣內結則手足
必厥設手足溫者熱氣不結而下行作協熱利下重便
膿血也頭痛目黃者下之熱氣內伏則目閉也貪水為
陰虛下之又虛其裏陽氣內陷故脉厥聲嚶咽喉閉塞
陰虛發汗又虛其陽使陰陽俱虛而戰慄也惡水為陽
虛下之又虛胃氣虛寒內甚故裏冷不嗜食陽虛發汗
則上焦虛燥故口中傷爛舌上白胎而煩燥也經曰脉
數不解合熱則消穀喜飢至六七日不大便者此有瘕
血此脉數實不大便六七日熱畜血於內也七日之後
邪熱漸解迎血下行必便血也下利脉大者虛也以其
便血發汗陰陽俱虛故小便利

強下之故也設脉浮草因爾腸鳴者屬當歸四逆湯主

之脉大為虛以未應下而下之利因不休也浮者按之不足也芤者實大而長微弦也浮為虛芤為寒寒虛相搏則腸鳴與當歸四逆湯補虛散寒

辨可下病脉證并治法第二十一

大法秋宜下

秋時陽氣下行則邪亦在下故宜下

凡用下藥用湯勝圓中

病即止不必盡劑也

湯之為言蕩也滌蕩腸胃澀灌藏府推陳燥結却熱下寒破散邪疫

理導潤澤枯槁悅人皮膚益人血氣水能淨萬物故勝丸散中病即止者如承氣湯證云若一服利則止後服又曰若一服識語止更莫復服是不盡劑也

下利三部脉皆平按之心下鞕

者急下之宜大承氣湯

下利者脉當微厥今反和者此為內實也下利三部脉平者已

為實而又按之心下硬則知邪甚也故宜大承氣湯下之
下利脉遲而滑者內實也

利未欲止當下之宜大承氣湯

經曰脉遲者食乾物得之金匱要畧曰滑則穀

氣實下利脉遲而滑者胃有宿食也脾胃傷食不消水穀是致下利者為內實若但以溫中厚腸之藥利未必止可與大承氣湯下去宿食利自止矣
問曰人病有宿食何以別之師曰

寸口脉浮而大按之反澀尺中亦微而澀故知有宿食

當下之宜大承氣湯

寸以候外尺以候內浮以候表沉以候裏寸口脉浮大者氣實血虛

也按之反澀尺中亦微而澀者胃有宿食裏氣不和也與大承氣湯以下宿食
下利不欲食者

以有宿食故也當下之與大承氣湯

傷食則惡食故不欲食如傷風

惡風傷寒惡寒之類也下利差後至其年月日復發者以病不盡

故也當下之宜大承氣湯

乘春則肝先受之乘夏則心先受之乘至陰則脾先受之

來秋則肺先受之假令春時受病氣必傷肝治之雖愈邪有不盡者至春時元受月日內外相感邪必復動而病也下利為腸胃疾宿積不盡故當下去之下利脉反滑當有所去下之乃

愈宜大承氣湯

脉經曰脉滑者為病食也下利脉滑則內有宿食故云當有所去與大承氣湯

以下宿食病腹中滿痛者此為實也當下之宜大承氣湯

金匱

要畧曰病者腹滿按之不痛為虛痛為實可下之腹中滿痛者裏氣壅實也故可下之傷寒後脉

沉沉者內實也下解之宜大柴胡湯

傷寒後為裏未和與

大柴胡湯以下內實經曰傷寒差脉雙弦而遲者必心已後更發熱脉沉實者以下解之

下鞅脉大而緊者陽中有陰也可以下之宜大承氣湯

金匱要畧曰脉雙弦者寒也經曰遲為在藏脉雙弦而遲者陰中伏陽也必心下鞅大則為陽緊則為寒脉大而緊者陽中伏陰也與大承氣湯以分陰陽

釋音

齧

魚結切

盥

音貫澡手也

悵快

上丑亮切望恨也

嚶

於耕切鳥

鳴

漑灌

上居代切下音貫注也

傷寒論注釋卷九

欽定四庫全書

傷寒論注釋卷十

金成無已注

辨發汗吐下後脉證并治法第二十二

此第十卷第二十二篇凡四十八證前三陰三陽篇
中悉具載之

卷內音釋上卷已有

此已下諸方於隨卷本證下雖已有緣止以加減言之

未甚明白似於覽者檢閱未便今復校勘備列於後

桂枝加葛根湯方

葛根

四兩

芍藥

二兩

甘草

二兩

生薑

三兩切

大棗

十二枚擘

桂枝

二兩去皮

右陸味以水一斗先煮葛根減二升去上沫內諸藥煮取三升去滓溫服一升覆取微似汗不須啜粥餘如桂枝湯法

桂枝加厚朴杏子湯方

於桂枝湯方內加厚朴二兩杏仁五十箇去皮尖餘依前法

桂枝加附子湯方

於桂枝湯方內加附子一枚炮去皮破八片餘依前法末附湯方附於此

方內去桂枝加白
朮四兩依前法

桂枝去芍藥湯方

於桂枝湯方內去芍藥餘依前法

桂枝去芍藥加附子湯方

於桂枝湯方內去芍藥加附子一枚炮去皮破八片餘依

前法

桂枝麻黃各半湯方

桂枝

一兩十六
枚去皮

芍藥

生薑

切

甘草

炙

麻黃

各一兩
去節

大棗

四枚
擘

杏仁

二十四個湯浸去皮尖及兩仁者

右七味以水五升先煮麻黃一二沸去上沫內諸藥

煮取一升八合去滓溫服六合

桂枝二麻黃一湯方

桂枝

一兩十七銖去皮

芍藥

一兩六銖

麻黃

十六銖去節

生薑

一兩六銖切

杏仁

十六個去皮尖

甘草

一兩二銖炙

大棗

五枚擘

右七味以水五升先煮麻黃一二沸去上沫內諸藥

煮取二升溫服一升日再

白虎加人參湯方

於白虎湯內加人參
三兩餘依白虎湯法

桂枝去桂加茯苓白朮湯方

於桂枝湯內去桂枝加茯
苓白朮各三兩餘依前法

煎服小便
利則愈

已上九方病證並在第二卷內

葛根加半夏湯方

於葛根湯方內加入半
夏半升餘依葛根湯法

桂枝加芍藥生薑人參新加湯方

於第二卷桂枝湯方
內更加芍藥生薑各

一兩人參三兩餘
依桂枝湯法服

梔子甘草豉湯方

梔子豉湯方內加入甘草二兩餘依前法得吐止後服

梔子生薑豉湯方

梔子豉湯方內加生薑五兩餘依前法得吐止後服

柴胡加芒硝湯方

小柴胡湯內加芒硝六兩餘依前法服不解更服

桂枝加桂湯方

第二卷桂枝湯方內更加桂二兩共五兩餘依前法

已上六方病證並在第三卷內

柴胡桂枝湯方

桂枝

去皮

黃芩

人參

各一兩半

甘草

一兩炙

半夏

二合半

芍藥

一兩半

大棗

六枚
擘

生薑

一兩
半切

柴胡

四兩

右九味以水七升煮取三升去滓溫服

附子瀉心湯方

大黃

二兩

黃連

黃芩

各一兩

附子

一枚炮去皮
破別煮取汁

右四味切三味以麻沸湯二升漬之須臾絞去滓內

附子汁分溫再服

生薑瀉心湯方

生薑

四兩切

甘草

三兩炙

人參

三兩

乾薑

一兩

黃芩

三兩

半夏

半升洗

黃連

一兩

大棗

十二枚擘

右八味以水一斗煮取六升去滓再煎取三升溫服

一升日三服

甘草瀉心湯方

甘草

四兩

黃芩

三兩

乾薑

三兩

半夏

半升洗

大棗

十二枚擘

黃連

一兩

右六味以水一斗煮取六升去滓再煎取三升溫服
一升日三服

黃芩加半夏生薑湯方

於黃芩湯方內加半夏半升生薑一兩半餘依黃芩湯法服

已上五方病證並在第四卷內

桂枝加大黃湯方

桂枝

三兩
去皮

大黃

一兩

芍藥

六兩

生薑

三兩
切

甘草

二兩
炙

大棗

十二
枚擘

右六味以水七升煮取三升去滓溫服一升日三服

桂枝加芍藥湯方

於第二卷桂枝湯方內更加芍藥
三兩通前共六兩餘依桂枝湯法

四逆加吳茱萸生薑湯方

當歸

二兩

芍藥

三兩

甘草

二兩
炙

通草

二兩

桂枝

三兩
去皮

細辛

三兩

生薑

半斤
切

吳茱萸

二升

大棗

二十五
枚擘

右九味以水六升清酒六升和煮取五升去滓溫分

伍服

一方水酒
各四升

已上三方病證並在第六卷內

四逆加人參湯方


於四逆湯方內加入人參一兩餘依四逆湯法服

四逆加猪膽汁湯方

於四逆湯方內加入猪膽汁半合餘依前法服如無猪膽以羊膽代

之

已上二方病證並在第七卷內



傷寒論注釋卷十